

«Գրանցված է»  
ՀՀ արդարադատության  
նախարարության կողմից  
18 նոյեմբերի 2009 թ.  
Պետական գրանցման թիվ 10209397

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

### ԱՐԴԱՐԱԴԱՏՈՒԹՅԱՆ ՆԱԽԱՐԱՐ

12 նոյեմբերի 2009 թ.  
ք. Երևան

N 280-Ն

## Հ Ր Ա Մ Ա Ն

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅՈՒՆՈՒՄ ԲԺՇԿԱԿԱՆ ԱՇԽԱՏԱՆՔԱՅԻՆ ՀԱՆՁՆԱԺՈՂՈՎԻ ԿԱԶՄԸ ԵՎ ԱՇԽԱՏԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ի կատարումն Հայաստանի Հանրապետության կառավարության 2006 թվականի մայիսի 26-ի «Կալանավորված անձանց և դատապարտյալների բուժսանիտարական և բուժկանխարգելիչ օգնությունը կազմակերպելու, առողջապահական մարմինների բուժական հիմնարկներից օգտվելու և այդ նպատակով դրանց բժշկական անձնակազմին ներգրավելու կարգը հաստատելու մասին» N 825-Ն որոշման պահանջների.

#### *Հրամայում եմ՝*

1. Հաստատել՝ Հայաստանի Հանրապետության արդարադատության նախարարության քրեակատարողական ծառայությունում բժշկական աշխատանքային հանձնաժողովի կազմը համաձայն N 1 հավելվածի:
2. Հաստատել՝ Հայաստանի Հանրապետության արդարադատության նախարարության քրեակատարողական ծառայությունում բժշկական աշխատանքային հանձնաժողովի աշխատակարգը համաձայն N 2 հավելվածի:
3. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:

Գ. Դանիելյան

Հավելված N 1  
ՀՀ արդարադատության նախարարի  
2009 թվականի նոյեմբերի 12-ի  
N 280-Ն հրամանի

Կ Ա Ջ Մ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ  
ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅՈՒՆՈՒՄ ԲԺՇԿԱԿԱՆ ԱՇԽԱՏԱՆՔԱՅԻՆ  
ՀԱՆՁՆԱԺՈՂՈՎԻ**

- |                   |  |
|-------------------|--|
| Կարո ԱՌՈՒՍՏԱՄՅԱՆ  | Հանձնաժողովի նախագահ,<br>Հայաստանի Հանրապետության արդարադատության<br>նախարարության քրեակատարողական վարչության<br>բժշկական սպասարկման բաժնի գլխավոր մասնագետ<br>(թերապևտ)<br><br>Հանձնաժողովի անդամներ՝ |
| Սպարտակ ԳԵՎՈՐԳՅԱՆ | Հայաստանի Հանրապետության արդարադատության<br>նախարարության քրեակատարողական վարչության<br>բժշկական սպասարկման բաժնի գլխավոր մասնագետ<br>(ատոլոգապահության կազմակերպիչ)                                   |
| Հովսեփ ՀՈՎՍԵՓՅԱՆ  | Հայաստանի Հանրապետության արդարադատության<br>նախարարության «Դատապարտյալների հիվանդանոց»<br>քրեակատարողական հիմնարկի վիրաբուժական<br>բաժանմունքի պետ (վիրաբույժ)   |
| Մամբրե ՆԱՆԱՅԱՆ    | Հայաստանի Հանրապետության արդարադատության<br>նախարարության «Նուբարաշեն» քրեակատարողական<br>հիմնարկի բժշկական սպասարկման բաժնի գլխավոր<br>մասնագետ (հոգեբույժ-նյարդաբան)                                 |
| Գրիգոր ԳՐԻԳՈՐՅԱՆ  | Հայաստանի Հանրապետության արդարադատության<br>նախարարության «Դատապարտյալների հիվանդանոց»<br>քրեակատարողական հիմնարկի նարկոլոգիական<br>բաժանմունքի պետ (նարկոլոգ)   |
| Արմեն ՂՈՒԿԱՍՅԱՆ   | Հանձնաժողովի բժշկական մատենավար,<br>Հայաստանի Հանրապետության արդարադատության<br>նախարարության «Դատապարտյալների հիվանդանոց»<br>քրեակատարողական հիմնարկի ինֆեկցիոն բաժանմունքի<br>գլխավոր մասնագետ»:     |

*(Հավելվածը խմբ. 12.12.11 N 210-Ն)*

Հավելված N 2  
ՀՀ արդարադատության նախարարի  
2009 թվականի նոյեմբերի 12-ի  
N 280-Ն հրամանի

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ  
ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅՈՒՆՈՒՄ ԲԺՇԿԱԿԱՆ ԱՇԽԱՏԱՆՔԱՅԻՆ  
ՀԱՆՁՆԱԺՈՂՈՎԻ ԱՇԽԱՏԱԿԱՐԳ**

1. Բժշկական աշխատանքային հանձնաժողովի (այսուհետ՝ ԲԱՀ) որոշմամբ ԲԱՀ-ի աշխատանքներում կարող են ներգրավվել համապատասխան բժիշկ-մասնագետներ: Քրեակատարողական ծառայությունում համապատասխան բժիշկ-մասնագետ չունենալու դեպքում համապատասխան բժիշկ-մասնագետ կարող է ներգրավվել առողջապահական մարմինների բուժական հիմնարկներից:

2. ԲԱՀ-ի աշխատանքներն իրականացվում են քրեակատարողական վարչության բժշկական սպասարկման բաժնի պետի կողմից ներկայացված և քրեակատարողական վարչության պետի կողմից հաստատված ժամանակացույցով՝ անմիջապես հիմնարկում, որը պետք է ներառի տարվա ընթացքում առնվազն մեկ այցելություն՝ յուրաքանչյուր քրեակատարողական հիմնարկ:

3. Բժշկական աշխատանքային հանձնաժողովն իրականացնում է՝

1) դատական որոշման կատարման հետաձգման ներկայացնելու ենթակա հիվանդ դատապարտյալներին Հայաստանի Հանրապետության կառավարության՝ 2003 թվականի դեկտեմբերի 4-ի «Միջգերատեսչական բժշկական հանձնաժողովներ ստեղծելու կարգը հաստատելու մասին» N 1636-Ն որոշմամբ հաստատված կարգով ստեղծված համապատասխան միջգերատեսչական բժշկական հանձնաժողովին ներկայացնելու գործընթացը՝ սույն որոշման 1-ին կետի «բ» ենթակետով հաստատված պատիժը կրելուն խոչընդոտող ծանր հիվանդությունների ցանկին համապատասխան:

2) բժշկական վերահսկողություն՝

ժամանակին և ճիշտ ախտորոշման, հոսպիտալացման, հետազոտությունների ծավալների, համալիր բուժման կատարման և դրանց հիմնավորվածության,

դժբախտ դեպքի և մահվան դեպքերի ուսումնասիրությունների, քննությունների, կոնսիլիումների կամ համապատասխան բժիշկ-մասնագետների խորհրդատվությունների ժամանակին կազմակերպման և դրանց ընթացքում համապատասխան նշանակումների կատարման նկատմամբ:

4. Իր իրավասությանը վերաբերող հարցերի կապակցությամբ ԲԱՀ-ն ընդունում է որոշումներ՝ ձայների պարզ մեծամասնությամբ: Բժշկական մատենավարը չի օգտվում ձայնի իրավունքից: ԲԱՀ-ի որոշումը ենթակա է պարտադիր կատարման:

5. ԲԱՀ-ի որոշումը կայացվում է հիվանդ կալանավորված անձի կամ դատապարտյալի համակողմանի բժշկական հետազոտությունների արդյունքների ուսումնասիրության և կոլեգիալ քննարկումների հիման վրա, իսկ անհրաժեշտության դեպքում՝ բուժական ուղղիչ կամ առողջապահական մարմինների բուժական հիմնարկում՝ լրացուցիչ հետազոտությունից հետո: ԲԱՀ-ի որոշումն արձանագրվում է ԲԱՀ-ի որոշումների գրանցման մատյանում (ձև 1), բժշկական քարտում, հիվանդության պատմագրում և անմիջապես հայտարարվում կալանավորված անձին կամ դատապարտյալին, որը պետք է ներառի կալանավորված անձի կամ դատապարտյալի առողջական վիճակի մասին տեղեկատվությունը:

6. ԲԱՀ-ի որոշման համաձայն իրականացվում է կալանավորված անձի կամ դատապարտյալի 14 օրից ավելի ստացիոնար բուժում:

7. Հիմնարկներից առողջապահական մարմինների բուժական հիմնարկներ հիվանդ կալանավորված անձանց և դատապարտյալների հոսպիտալացումը կատարվում է ԲԱՀ-ի համապատասխան որոշման հիման վրա՝ բացառությամբ անհետաձգելի բժշկական օգնության ցուցաբերելու դեպքերի:

8. Հիվանդ կալանավորված անձի կամ դատապարտյալի բուժական ուղղիչ հիմնարկից բժշկական առումով դուրսգրումը վերջնական է՝ բուժող բժշկի կողմից կայացված դուրսգրման որոշումը՝ ԲԱՀ-ի կողմից հաստատվելու դեպքում:

